

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Apeqquq 1: Kalaallit Nunatta timmisartunik qulaavaanneqartarnera tamakkiisumik oqartussaaffiup tiguneqarnissaannut Inatsisartut 2017-imi immikkoortoq 180-imi aalajangigaat aallaavigalugu suliaq sumummita killippa? Qaqugulu suliaat naammassissava?

Apeqquq 2: NavAir aqquqigalugu oqartussaaffiup tiguartuaarnissaa Naalackersuisut malinniarpaat?

Apeqquq 3: Timmisartut qulaavaasartut pillugit Island-imut aammalu Canada-mut isumaqatigiissutit atorunnaarsinnissaat pilersaarutaava? Atorunnaarsinneqassagaluarpatalu Kalaallit Nunaata nammineq kisimi kikkut suleqatigineqassanersut aalajangissagaa Naalackersuisut isumaqatigivaat?

Apeqquq 4: Oqartussaaffiup tiguartuaarnissaanut atatillugu Naalackersuisut qanoq qulakkeerniarpaat Kalaallit Nunaata innuttaasullu pissarsiassaat annerpaajutinnissaa?

Apeqquq 5: Naalackersuisut silaannartatta aquneqarnerata tiguartuaarnissaanut suliffiit nunatta immikkoortuani sumi inissisimanissaat pingaarnerutippaat? Suliffiit Nuummiinnissaat imaluunniit sinerissami?

Apeqquq 6: Timmisartorsuit anginerit Kalaallit Nunaata silaannartaani qulaavaasartorpassuit Kangerlussuup mittarfissuani isumannaallisaaneq peqqutigalugu (alternativlufthavn-itut) atorneqartarneranik aallaaveqartumik qulaavaasarpat?

Apeqquq 7: Timmisartorsuit anginerit Kalaallit Nunaata silaannartaani qulaavaasartorpassuit eqqarsaatigalugit Kangerlussuup mittarfia annikilliliiffigineqaralarpat qanormita sunniuteqassava?

(Inatsisartuni ilaasortaq Anders Olsen, Siumut)

Tunngavilersuutit:

Naalackersuisooqatigiinnissamut isumaqatigiisummi immikkoortoq 229-imi allassimavoq silaannakut angallannermi nakkutilliisoqarfiup akisussaaffigilerneqarnissaa anguniarneqassasoq. Tamannalu immi ajunngivippoq. Pingaaruteqarsorinarporli Naalackersuisut paasiniaaffigissallugit oqartussaaffinnik tigusiniarnermi sinerissami inissisimasinnaanissaannik soorlu Kangerlussuarmi inissisimasinnaanissaa pivusorsiornerunnginnersoq. Kangerlussuarmi tassaavoq timmisartoqarfissuaq nunatsinni angallaffiunerpaaq, kiisalu isumannaannerpaamik inissisimasoq, minnerunngitsumillu ineqarniarnikkut allarpassuartigullu pitsaasumik aaqqissuussiffigineqarsinnaasoq sanaartorfigissallugulu akikinnerpaajususaq. Killormuanik illoqarfissuarmi soorlu Nuummi inissaaleqineq, meeqqerivissaaleqineq allarpassuartigullu inuiaqatigiinnut akisoorujussuanngorsinnaasumi inissiiniarneq isumatusaarneruvallaarniarani. Kissaatigaara apeqquteqaatiga ullut suliffiusut 10 ingerlanerani akineqassasoq.